

A close-up, slightly blurred image of the European Union flag, showing a yellow star on a blue background.

Análise FGE

Conferencia sobre o futuro de Europa

O 9 de maio de 2021, inaugurábase a Conferencia sobre o futuro de Europa, un foro de participación e debate que ofrecía á cidadanía a oportunidade de reflectir a súa visión e representar os seus intereses para marcar o rumbo da Unión Europea.

Grazas a unha estrutura multinivel que incluía a ciudadáns, sociedade civil, Estados membros e institucións, as ideas recollidas ofrecían unha perspectiva innovadora en ámbitos crave para a Unión, como o medio ambiente ou a democracia.

A modo de peche, o 9 de maio de 2022 presentouse un informe que recollía e transformaba todas as peticións recibidas durante a Conferencia en 49 propostas e 326 medidas.

Data de publicación: xaneiro de 2023

Contacto: bruselas@fundaciongaliciaeuropa.eu

1. Introdución

O 10 de marzo de 2021, asinábase a Declaración Conxunta da Conferencia sobre o Futuro de Europa. Deste xeito, Ursula von der Leyen, presidenta da Comisión Europea, Davida Sassoli, presidente do Parlamento Europeo e Antonio Costa, primeiro ministro de Portugal, en calidade de presidente do Consello da Unión Europea, comprométianse a celebrar un **exercicio de democracia deliberativa** sen precedentes na Unión que permitiu á cidadanía expresar a súa visión sobre a Unión Europea en todos os ámbitos.

O 9 de maio de 2022, co motivo do Día de Europa, déronse a coñecer as regras da Conferencia sobre o Futuro de Europa (COFE), as cales marcarían o procedemento necesario para reflectir fielmente as ideas propostas polos cidadáns europeos. En consecuencia, establecíase unha plataforma multilingüe, numerosos paneis cidadáns e varios órganos institucionais para asegurar unha nivel e calidade de participación altos. Neste proceso, os Estados membros tamén colaboraron, organizando os seus propios eventos, tanto nacionais como rexionais, no marco da Conferencia sobre o Futuro de Europa.

Tras un ano traballo e dedicación, marcado pola crise do COVID-19 e a invasión de Rusia a Ucraína, o 9 de maio de 2022, a COFE chegaba ao seu fin, presentando ante toda a Unión Europa, **49 propostas** con obxectivos específicos, apoiadas por **326 medidas** para o seu cumprimento.

Con todo, a COFE como elemento catalizador dunha nova Europa albiscada a través das propostas da cidadanía, non sería posible se estas medidas non se fixesen realidade. Por tanto, estableceuse un proceso de seguimento ao longo do ano 2022, baseado na carta de intencións emitida tras o discurso sobre o estado da Unión Europea pronunciado pola presidenta da Comisión, que culminou cun *evento de feedback* o 2 de decembro de 2022 no que participaron as tres institucións.

O impacto da Conferencia sobre o Futuro de Europa é complexo de calcular, posto que as expectativas que xerou na poboación quizais non se axusten á realidade. Propostas ambiciosas no ámbito da saúde ou a defensa, requieren a convocatoria dunha Convención para a revisión dos Tratados que actualice e, nalgúns casos, aumente as competencias da Unión Europea. Con todo, algunas delas xa se implementaron, como aquelas referentes á saúde mental ou o mantemento dos paneis cidadáns como método de participación cidadá permanente.

En definitiva, as peticións da cidadanía europea pretendían preparar á Unión Europea para afrontar os desafíos do futuro, pero son as institucións e os Estados membros quen deberá demostrar capacidade de adaptación e consenso para incorporar a voz dos seus cidadáns.

2. Funcionamento e composición

Os órganos principais que compuxeron a Conferencia sobre o Futuro de Europa foron a plataforma multilingüe, os paneis cidadáns, o pleno, o comité executivo e os eventos que se celebraron a nivel nacional, rexional e local.

En primeiro lugar, a **Plataforma Dixital Multilingüe** representou o centro principal para de propostas da COFE. Esta plataforma, programada con Didim, un **software de código aberto europeo**, estaba dispoñible nas **24 línguas oficiais** da Unión Europea e presentaba unha estrutura temática dividida en **dez ámbitos**: (1) Cambio climático e medioambiente; (2) Saúde; (3) Unha economía máis forte, xustiza social e emprego, (4) A UE no mundo; (5) Valores e dereitos, Estado de derecho e seguridade, (6) Transformación Dixital, (7) Democracia Europea; (8) Migración, (9) Educación, xuventude, cultura e deporte, (10) Outras ideas.

Nela, calquera cidadán podía participar subscrivendo as súas ideas aos bloques temáticos anteriores, comentando as ideas doutros cidadáns ou organizando eventos presenciais, híbridos ou en liña. Ademais, o grao de accesibilidade e transparencia permitía a calquera persoa coñecer as achegas dos demais cidadáns. Do mesmo xeito, cabe destacar que se realizou un seguimento continuo para analizar a participación na plataforma a través de informes trimestrais.

Paralelamente, os **paneis cidadáns** foron o elemento máis innovador da Conferencia. Servían como espazos de debate e presentación de propostas por parte da ciudadanía. Estaban formados por 200 persoas seleccionadas de maneira aleatoria, das cales un terzo eran mozos de entre 16 e 25 anos.

As temáticas dos debates estruturáronse en catro paneis cidadáns:

- Valores, dereitos, Estado de derecho, democracia e seguridade
- Cambio climático, medio ambiente e saúde
- Unha economía máis forte, xusticia social e emprego; Educación, xuventude, cultura, deporte e Transformación dixital
- A Unión Europea no mundo e Migración

Como gran foro de discusión, o **pleno da Conferencia** era o órgano que velaba por que se sometesen a debate as recomendacións nacionais e europeas. Estaba composto por 433 membros, provenientes das institucións europeas, a sociedade civil e a ciudadanía.

Por outra banda, creouse un **comité executivo convxunto** entre a Comisión, o Consello e o Parlamento. Este comité encargouse de dirixir traballos, preparar as reunións do pleno e presentar as conclusóns. Os tres representantes elixidos foron:

- Dubravka Šuica, vicepresidenta da Comisión para a Democracia e a Demografía, en representación da Comisión Europea.

- Gašper Dovžan, Ana Paula Zacarias y Clément Beaune, os secretarios de Estado para a Unión Europea de Eslovenia, Portugal e Francia respectivamente, en representación do trío de Estados miembro que ostentaron a Presidencia do Consello da UE.
- Guy Verhofstadt, portavoz do grupo político liberal Renew Europe, en representación do Parlamento Europeo.

En base ao seu estatus de órganos consultivos, tanto o **Comité Europeo das Rexións** (CdR), como o **Comité Económico e Social Europeo** actuaron como **observadores**.

Por último, os Estados membro celebraron **eventos e paneis nacionais**, rexionais e locais, organizados por cada Estado membro para realizar achegas á Conferencia. A participación cidadá nestes actos foi unha peza fundamental e tivo como obxectivo reflectir a diversidade europea.

3. A contribución do Comité europeo das Rexións

En base á súa misión de “**implicar aos entes rexionais e locais no proceso europeo de toma de decisións, e favorecer así unha mellor participación dos cidadáns**”, o Comité Europeo das Rexións contribuíu á Conferencia sobre o Futuro de Europa con más de trinta medidas.

3.1. Metodoloxía

O Comité europeo das Rexións optou por unha metodoloxía activa de debate e diálogo baseada en tres niveles de actuación: as institucións europeas, os autoridades locais e rexionais e a cidadanía.

A nivel institucional, creouse un **Grupo de Alto Nivel sobre Democracia Europea**, presidido polo antigo presidente do Consello Europeo, Herman van Rompuy, encargado de proponer ideas sobre como reforzar o impacto e a influencia dos entes locais e rexionais no proceso decisorio comunitario. Desde as súas capacidades, o CdR utilizou ferramentas institucionais como a Semana Europea das Rexións, a **EuropCom** e a elaboración de ditames para proponer a maior cantidade posible de propostas durante a COFE.

O CdR involucrou á cidadanía na elaboración de propostas para ao COFE mediante a realización dunha **enquisa pública** para coñecer a súa opinión sobre a UE, a función que crían desenvolver como cidadáns europeos e os retos futuros más perentorios. Ademais, apoiou a nivel loxístico a organización de paneis cidadáns a nivel local e rexional.

Finalmente, no contexto da invasión de Rusia a Ucraína, a achega do CdR á COFE concluíu tras a **9ª Cume Europea das Rexións e Cidades**, celebrada en Marsella, na que se aprobou o **Manifesto de Marsella**. Neste documento recollérónse as principais mensaxes do Comité Europeo das Rexións para a COFE. O concepto de partida é a

metáfora sobre a Casa Europea da Democracia na que os cimentos son as autoridades locais e rexionais, as paredes os Estados Membros e o tellado a Unión Europea. Nesta Casa Europea da Democracia, as autoridades locais e rexionais representan o primeiro elemento da construcción europea. É por isto, que o CdR pediu a revisión dos Tratados a fin obter un rol lexislativo naquelas políticas de carácter territorial. Así mesmo, propuxo a cohesión como valor fundamental da UE.

O CdR fixo referencia aos habitantes desta Casa Europea da Democracia, a cidadanía, propoñendo un diálogo permanente coa cidadanía. Do mesmo xeito, destacou a necesidade de concienciar á poboación para a súa participación nas eleccións europeas, facendo fincapé na mocidade europea e o seu rol esencial na creación dunha identidade europea.

3.2. Propostas

Grazas ás iniciativas levadas a cabo polo Comité Europeo das Rexións, a perspectiva rexional e local está reflectida en todos os ámbitos de traballo da Conferencia sobre o Futuro de Europa.

Respecto ao cambio climático e o medio ambiente, as **autoridades locais e rexionais** (ALRs) presentáronse como axentes vitais para a transición verde, debido ao seu papel na implementación de programas de desenvolvemento urbano para "**cidades verdes**" e a mellora no acceso a **alimentos de producción local**. Ademais, inclúise a necesidade de facilitar o transporte, a conectividade e a mobilidade en rexións rurais e insulares.

No ámbito da saúde, os **centros sanitarios locais** identificáronse como unha ferramenta esencial para a **cooperación transfronteiriza** sanitaria. Do mesmo xeito, os habitantes de calquera rexión ou localidade deben ter á súa dispoñibilidade medicamentos e tratamentos a un prezo xusto e accesible, mantendo a mesma calidade.

Desde un prisma económico, social e laboral, o fortalecemento da participación das ALRs no Semestre Europeo foi considerado como un elemento esencial para a implementación do **Pilar Europeo de Dereitos Sociais**. Así mesmo, co fin de "ningunha rexión quedeatrás", instouse a incluír de maneira explícita os obxectivos principais a nivel rexional e local en termos de igualdade de oportunidades e protección social, por exemplo a resiliencia demográfica, a cooperación transfronteiriza e os sistemas de innovación rexional.

En canto ao papel da Unión Europea no mundo, pediuse contribuír á **soberanía estratégica e a promoción dos valores da UE a través das ALR**. Do mesmo xeito, en base á protección do Estado de dereito, a dimensión multinivel dos dereitos fundamentais debería ser recoñecida e posteriormente posta en práctica polas ALR.

Co fin de alcanzar unha transición dixital completa, especificouse a necesidade de garantir a **conectividade a Internet nas zonas rurais** e as transaccións bancarias transfronteirizas. Por outra banda, a coordinación entre as ALR e o goberno nacional

será necesaria para reforzar a ciberseguridade e velar polo cumprimento da lexislación de protección de datos.

A democracia europea, a temática con maior participación por parte do Comité das Rexións, recomendouse que fose reforzada mediante un **proceso de participación ciudadá permanente**, como os paneis cidadáns, os cales foron adoptados pola Comisión Europea. Así mesmo, outra petición feita realidade foi a [Rede europea de corresponsales rexionais e locales da UE](#). Nesta liña, realizáronse peticións más ambiciosas como aumentar as competencias do CdR ou permitir aos parlamentos rexionais suxerir propostas lexislativas. Desde unha perspectiva transversal, fíxose fincapé no **principio de subsidiariedade activa** e a **gobernanza multinivel** como os conceptos clave para dotar á democracia europea dunha perspectiva rexional.

No marco da migración, incidiuse en **involucrar** de maneira activa ás **ALR** tanto na **recepcción**, como a **integración e formación** de inmigrantes, refuxiados e solicitantes de asilo.

En último lugar, incluíuse á **xuventude** como receptor e **transmisor principal da variedade cultural e lingüística da UE**. Realizouse unha petición para establecer un control lexislativo por parte dos mozos, facéndoos partícipes do seu futuro e reducindo a fuga de cerebros. Así mesmo, deberán promoverse os intercambios culturais e educativos a través do programa [Erasmus+](#), o [Corpo Europeo de Solidariedade](#) e [DiscoverEU](#).

4. A contribución de España e Galicia

No marco da Conferencia sobre o futuro de Europa, [o governo español organizou](#) unha serie de eventos en colaboración cos gobernos rexionais. Esta iniciativa, impulsada polo Ministerio de Asuntos Exteriores, Unión Europea e Cooperación, permitiu celebrar ata 6 eventos estatais e 18 autonómicos, contando coa participación das comunidades e cidades autónomas (Galicia entre elas) e a Federación Española de Municipios e Provincias. As conclusións destes eventos preséntanse ao redor de catro eixos:

- **Cidadanía europea, democracia e participación:** Os cidadáns españois identificaron o coñecemento sobre a Unión Europea como o elemento clave para potenciar a identidade europea entre a cidadanía. É por isto, que, entre outras propostas, destacaron a creación dunha [materia sobre a Unión Europea](#), a cal xa foi implantada nalgúns institutos da península, e o programa Eurosenior, un voluntariado europeo de intercambio onde as persoas maiores poden compartir noutro as súas experiencias en centros educativos. Por outra banda, co obxectivo de mellorar a calidade democrática na UE, pediuse unha maior participación das rexións na toma de decisións, así como establecer listas transnacionais para as eleccións europeas.

- **Cohesión social e territorial:** Debido á gran diverxencia de especificidades territoriais na Unión Europea, as peticións neste ámbito centráronse en fomentar o rol de Eurocities, mellorar o transporte e a conexión dixital entre rexións transfronteirizas e asegurar que as necesidades das rexións ultraperiféricas estean representadas. Así mesmo, co obxectivo de loitar contra o despoboamento, instouse á creación dun encontro interxeracional que xere espazos de convivencia e intercambio para combater a soildade das persoas maiores.
- **Transición ecolóxica e migracións:** Por unha banda, as peticións da cidadanía tiveron como obxectivo loitar contra o cambio climático e promover iniciativas de economía circular levadas a cabo polas autoridades rexionais e locais, financiadas por fondos similares aos NextGenerationEU. Nesta liña, desde **Galicia resaltouse o papel da economía azul no desenvolvemento do sector marítimo-pesqueiro de forma innovadora, sostible e respectuosa co medio ambiente**. En canto á migración, os cidadáns optaron pola cooperación con terceiros países e a solidariedade entre os Estados membros da UE, principalmente con aqueles con fronteiras exteriores, como a perspectiva óptima para unha xestión migratoria respectuosa cos dereitos humanos.
- **A UE no mundo:** Desde as diferentes comunidades autónomas, propúxose xerar ecosistemas de innovación e cadeas de valor resilientes que fortalezan a autonomía estratégica da UE e convértana nun actor xeopolítico de facto. Do mesmo xeito, no ámbito militar expúxose a necesidade de estreitar lazos entre a UE e a OTAN, así como priorizar a cooperación dos países ao Sur, a través da Política Europea de Vaciñanza.

Galicia participou en **6 eventos** de diversas temáticas (Anexo I). No marco dos eventos estatais, celebrouse un diálogo en Santiago de Compostela sobre o futuro do envellecemento.

Por parte da **Xunta de Galicia** e a **Fundación Galicia Europa**, organizáronse **tres actos**. Un deles formou parte dos 18 actos autonómicos impulsados polo Goberno, no que se destacou o papel da economía azul e o sector pesqueiro-marítimo. Os outros dous actos sobre a COFE centráronse no rol da mocidade na cooperación transfronteiriza con Portugal, o chamamento á participación dos mozos na COFE e as posibles solucións ao impacto negativo do cambio demográfico.

Por último, no territorio galego, as deputacións da Coruña e de Lugo, ambas membros do padroado da Fundación Galicia Europa, participaron respectivamente en dous eventos centrados nas reflexións da mocidade sobre o contexto sociopolítico e ambiental da UE e o uso da innovación dixital para un envellecemento saudable.

5. A contribución dea xuventude

Dar voz á mocidade europea era un dos principais obxectivos da COFE e, por iso, 2022 foi designado **Ano Europeo da Xuventude**.

Co obxectivo de darrlle voz á mocidade na Conferencia, en outubro de 2021 celebrouse unha edición especial do ***European Youth Event*** (EYE2021), que reuniu na sede do Parlamento Europeo en Estrasburgo a máis dun cento de mozos e mozas de entre 16 e 30 anos. Organizado pola *Youth Outreach Unit* do Parlamento Europeo, o **encontro** celebrouse de manera presencial e estivo complementado por actividades en liña para asegurar unha máxima participación.

No EYE 2021 debatérónse as suxerencias da mocidade europea recollidas desde 2018 na plataforma [YouthIdeas.eu](#). Todas estas ideas, así como as propostas realizadas durante o evento, incluíronse no [informe final sobre as ideas da xuventude na Conferencia sobre o futuro de Europa](#).

A xuventude propuxo unha **Europa federal**, na que, desde o multilingüismo, ensínanse **habilidades** e coñecementos útiles para entrar a un **mundo laboral** onde as **prácticas deben estar remuneradas** por lei. Ademais, lanzaron peticións expresas para promover unha contorna saudable no que a reciclaxe debe reforzarse, ao mesmo tempo que **responsabilizar a aquellas empresas que indirectamente danan a saúde da poboación** debido á contaminación e destrucción do medio ambiente. Nesta Europa do futuro, os mozos tamén reclamaron un maior nivel de inclusión, centrado nunha mellor **educación en redes sociais**, o recoñecemento de **iniciativas civís LGTBI+** e o **apoio a estudiantes e académicos refuxiados**, en colaboración co Alto Comisionado das Nacións Unidas para os Refuxiados (ACNUR).

6. Resultados da COFE

A Conferencia sobre o futuro de Europa concluía o seu traballo o 9 de maio de 2022 coa publicación do [informe final](#). Este documento presentaba 49 propostas e 326 medidas estruturadas en 9 temáticas. Na seguinte táboa preséntase unha síntese das propostas incluídas no informe final:

TEMÁTICA	PROPOSTA	OBXECTIVOS
1. O cambio climático e o medio ambiente	(1) Agricultura, producción de alimentos, biodiversidade e ecosistemas, (2) contaminación	Crear un sistema alimentario sostenible, seguro e baixo en emisións Protexer a biodiversidade y los ecosistemas mariños
	(3,4) Cambio climático, enerxía e transporte	Acadar a independencia enerxética a través dunha transición xusta Construír unha rede inclusiva de transporte público verde
	(5) Consumo, envasado e producción sostenibles	Mellorar o uso e a xestión dos materiais na UE
	(6) Información, sensibilización, diálogo e estilo de vida	Fomentar o coñecemento sobre o medio ambiente
2. Saúde	(7) Comida e estilo de vida saudables	Facilitar comida e información para hábitos saudables
	(8) Sistema sanitario	Investir e aumentar a resiliencia do sistema sanitario
	(9) O concepto de saúde	Adoptar unha visión holística en liña coas políticas da UE
	(10) Igualdade de oportunidades	Establecer o "dereito á saúde" para un acceso igualitario
3. Unha economía más forte, xustiza social e emprego	(11) Crecemento sostenible e innovación	Implementar un modelo de crecimiento en base á transición dixital e verde, que conte con novos indicadores
	(12) Competitividade e Mercado Único	Promover o emprendemento para PEMES e Start-ups
	(13, 14) Mercados laborais inclusivos	Reforzar a igualdade de xénero, as condicioneis laborais e a accesibilidade para os mozos
		Establecer salarios mínimos e un esquema de ingreso mínimo vital

4. A UE no mundo	(15) Transición demográfica	Apoiar a toda a cidadanía durante o seu ciclo vital
	(16) Políticas fiscais e tributarias	Potenciar a inversión en proxectos verdes e dixitais, aumentar a presión fiscal ás empresas contaminantes e facer uso da financiación de la UE
	(17, 18) Reducir a dependencia dos axentes estranxeiros	Reforzar a investigación e as cadeas de subministro en agricultura, semicondutores e produtos médicos
		Investir na producción e distribución de enerxía verde
	(19, 20) Definir as normas dentro e fora da UE	Reforzar as dimensíons éticas e medio ambientais no comercio e a inversión internacional
	(21) Toma de decisións e cohesión	Aumentar a eficiencia e efectividade da Política Exterior e da Seguridade Común
	(22) Transparencia coa cidadanía	Facilitar información sobre a actividade en política exterior
5. Valores e dereitos, Estado de dereito, seguridade	(23, 24) A UE como un actor forte	Defender a paz e unha orde internacional baseada en normas
		Aumentar a capacidade de sanción, inversión e decisión con terceiros países
	(25) Estado de Dereito	Garantir o Estado de dereito na UE, promocionando a identidade europea e utilizando ferramentas legais
	(26) Protección de Datos	Actualizar o Regulamento Xeral de Protección de Datos e endurecer as sancións aos infractores
		Asegurar o pluralismo e a independencia de medios e implementar lexislación contra a desinformación

	(27, 28) Medios de comunicación, <i>fake news</i> , desinformación, <i>Fact-checking</i> e Ciberseguridade	Mellorar a capacidade de loita contra as ameazas de ciberseguridade
	(29) Antidiscriminación, igualdade e calidade de vida	Harmonizar as condicións de vida dos cidadáns da UE
	(30) Dereitos dos animais e agricultura	Defender o benestar animal en granxas e asegurar os estándares europeos nos produtos agrícolas
6. Transformación Dixital	(31) Infraestrutura dixital	Considerar un dereito fundamental o acceso a Internet e servicios dixitais
	(32) Alfabetización dixital	Aumentar as habilidades dixitais da poboación europea
	(33, 34) Unha sociedade dixital segura e fiable	Ter máis poder para mellorar a ciberseguridade, fazer fronte aos contidos ilegais e contrarrestar e ciberameazas de estados autoritarios
		Promover a soberanía individual dos datos das persoas
	(35) Innovación dixital	Aliñar a innovación dixital co mercado único e as prácticas sostenibles na empresa
7. Democracia europea	(36, 37) Información, participación e xuventude	Impulsar a participación cidadán, especialmente da xuventude, na política da UE
		Facer a UE más comprensible
	(38) Democracia e eleccións	Fomentar a participación nas eleccións ao Parlamento Europeo e nos debates de políticas europeas
	(39) Proceso de toma de decisións da UE	Incorporar sistemas de votación más eficientes que axilicen a toma de decisións na UE
	(40) Subsidiariedade	Revisar o proceso que permite ás assembleas nacionais e rexionais comprobar se a UE está abusando das súas competencias

8. Migración	(41) Vías legais	Reforzar a migración legal a través da vía laboral
	(42, 43) Vías irregulares	Aumentar os controles nas fronteiras externas, garantindo o cumprimento dos dereitos humanos
		Unificar as normas de recepción de inmigrantes en toda a UE
	(44, 45) Asilo e integración	Reformar o sistema europeo de asilo
9. Educación, cultura, xuventude e deporte		Mellorar as políticas de integración
	(46) Educación	Implementar unha ÁREA de Educación Inclusiva Europea que facilite recursos a longo prazo nas zonas rurais
	(47) Xuventude	Priorizar as políticas de xuventude para o mercado laboral, contar coas asociacións da mocidade e impulsar a participación democrática
	(48) Cultura e intercambios	Potenciar os intercambios académicos e o multilingüismo e protexer o patrimonio cultural
	(49) Deporte	Traballar a favor da igualdade de xénero, celebrar eventos deportivos solo da UE e incluír actividades deportivas en programas de mobilidade

7. Seguimento das propostas da COFE

El 17 de xullo de 2022, a Comisión publicou unha [Comunicación](#) na que realiza unha análise dos resultados da COFE e informa da folla de roteiro e os principios que guiarán a implementación das propostas.

Primeiramente, as propostas foron divididas en catro categorías:

- Propostas relacionadas con **iniciativas xa existentes**, como a Lei Europea do Clima.
- Propostas relacionadas con **iniciativas en negociacións** do Parlamento e o Consello, como o Novo Pacto sobre Migración e Asilo.
- Propostas en ámbitos nos que a Comisión tiña **pensado lanzar iniciativas**, como a Directiva de Liberdade de Medios.
- Propostas parcial ou **totalmente novas**, como a saúde mental.

Nesta liña, a Comisión afirmou que tentará aproveitar a **actitude de consenso e actuación conxunta no Consello** co obxectivo de promover o maior número de iniciativas dentro das competencias que posúe a UE en base aos Tratados actuais. Así mesmo, cabe a posibilidade de activar as **cláusulas pasarela** no Consello, as cales permitirían aprobar, por maioría reforzada, iniciativas en certas políticas onde alcanzar a unanimidade é, polo momento, improbable.

A Comisión tamén se comprometeu a apoiar unha **Convención para a reforma dos Tratados** que permita poñer en marcha aquelas propostas da Conferencia que co marco lexislativo actual non son viables, como aquellas referentes aos ámbitos de saúde e defensa.

Os resultados da conferencia foron ampliamente recollidos no discursos sobre o estado da UE, pronunciado pola presidenta da Comisión Europea, Ursula von der Leyen, o 14 de setembro de 2022, seguido como tódolos anos pola [carta de intencións](#) dirixida aos presidentes do Parlamento Europeo e o Consello. Nela figuran as iniciativas crave provenientes de propostas da COFE, que a Comisión poñerá en marcha en 2023, encadradas nas seis prioridades políticas establecidas por von der Leyen ao comezo do seu mandato en 2019. Estas son:

1. Un Pacto Verde Europeo	Revisión do marco dos residuos para reducilos e do impacto medio ambiental da xestión dos residuos
	Proposta lexislativa sobre as plantas producidas por determinadas novas técnicas xenómicas
	Revisión da legislación da UE sobre o benestar dos animais

2. Unha Europa preparada para a era dixital	Lei europea de materias primas críticas Proposta lexislativa sobre o cribado e rexistro do amianto nos edificios
3. Unha economía ao servicio das persoas	Revisión intermedia do Marco Financeiro Plurianual 2021-2027 Proposta lexislativa sobre un segundo conxunto de novos recursos propios
4. Unha Europa máis forte no mundo	Proposta lexislativa sobre as empresas en Europa: un marco para a imposición da renda "BEFIT" Acceso aos datos nos servicios financeiros Propostas lexislativas sobre o establecemento do euro dixital Estratexia espacial da UE para a seguridade e a defensa
5. Promoción do noso Modo de Vida Europeo	Un enfoque global da saúde mental
6. Un novo impulso da democracia europea	Proposta lexislativa sobre a tarxeta europea de discapacidade

Por último, o proceso de seguimento da COFE en 2022 concluíu co **evento de feedback** sobre a Conferencia, celebrado o 2 de decembro. O obxectivo foi informar á cidadanía das accións tomadas por parte da Comisión, o Consello e o Parlamento para adoptar as propostas resultantes da COFE. Para iso, reuníuse a todos os cidadáns seleccionados aleatoriamente para participar durante a COFE e detallouse o plan de traballo da Comisión para 2023, cuxas iniciativas proveñen nun 80% das propostas do informa final da COFE.

A través de diferentes paneis de debate, os cidadáns puideron achegar a súa visión crítica sobre os resultados da COFE realizando preguntas á Comisaria de Democracia e Demografía Dubravka Šuica, ao primeiro ministro checo Petr Fiala ou a presidenta do Parlamento Europeo Roberta Metsola. Por último, os cidadáns alí presentes volveron reunirse seguindo a mesma estrutura dos paneis nos que participaran durante a COFE para poder achegar unha valoración más específica en cada unha das temáticas e medidas concretas propostas.

Como un dos resultados más visibles da COFE, anunciouse que, durante o ano 2023, terán lugar os primeiros paneis cidadáns cuxas achegas se incorporarán directamente no proceso lexislativo para cada un dos ámbitos. Os temas elixidos para estes primeiros paneis son: combustible, residuos, mobilidade, aprendizaxe, intelixencia artificial e metaverso.

Anexo I. Actos galegos celebrados no Marco da Conferencia

Fai oír a túa voz – Cooperación transfronteiriza

ORGANIZADORES: Fundación Galicia Europa e Instituto Portugués de Deporte e Xuventude

LUGAR E DATA: Virtual, 10 de maio de 2021

TEMA: Educación, cultura, xuventude e deporte

SINOPSIS: A iniciativa enmarcouse na acción conjunta entre doce entidades galegas e portuguesas, dirixidas pola Fundación Galicia Europa e Europe Direct A Coruña, cuxo obxectivo foi fomentar a participación da mocidade na COFE. Durante o debate, achegáronse as súas suxerencias, dúbidas, inquietudes e ideas para mellorar o futuro da cooperación entre ambas as rexións no marco da cooperación transfronteiriza, así como unha resposta conjunta aos grandes retos do continente como a cuestión demográfica, a transformación dixital e o cambio climático. Este acto de inauguración tamén serviu como un chamamento á mocidade para participar na COFE, promovido desde a Fundación Galicia Europa cunha campaña en redes.

Participaron no acto:

- Alfonso Rueda, Vicepresidente Primeiro da Xunta de Galicia
- Jesús Gamallo, Director Xeral de Relacións Exteriores e coa UE e Director da Fundación Galicia Europa
- Ana Ramos, Directora da Oficina en Bruselas da Fundación Galicia Europa
- João Paulo Rebelo, Secretario de Estado de Xuventude e Deporte de Portugal
- Vítor Días, Director do Instituto Portugués de Deporte e Xuventude

Así mesmo, a mocidade asistente participou dun foro de debate que fixo chegar as súas suxerencias, dúbidas, inquietudes e ideas para mellorar o futuro da cooperación entre ambas as rexións. As entidades que forman parte desta acción conjunta son: AECT Galicia–Norte de Portugal; Asociación EU Coopero; Eurocidade Chaves–Verín; Europe Direct A Coruña; Europe Direct Bragança; Europe Direct do Tâmega, Sousa e Alto Tâmega; Europe Direct Lugo; Europe Direct Minho; Federação Nacional de Associações Juvenis (FNAJ); Fundación Galicia Europa (FGE); Instituto Gallego do Talento (IGATA); e Instituto Portugués do Desporto e Juventude (IPDJ).

As rexións europeas ante o impacto do cambio demográfico. O exemplo de Galicia

ORGANIZADORES: Xunta de Galicia e Fundación Galicia Europa

LUGAR E DATA: Virtual, 13 de outubro de 2021

TEMA: Democracia europea

SINOPSIS: Este acto, enmarcado na 19ª edición da Semana Europea das Rexións e Cidades, mostrou as accións realizadas polo goberno galego para abordar o reto do cambio demográfico en tódalas áreas políticas da rexión, en tanto que a loita contra o seu impacto converteuse nun obxectivo urxente para impulsar a sustentabilidade económica e social. Neste marco, o goberno galego aprobou a Lei 5/2021, de Impulso Demográfico de Galicia, que inclúe un amplo paquete de medidas que favorecen a revitalización demográfica e a substitución xeracional.

Tódolos oportunidades do mar: avanzando na economía azul

ORGANIZADORES: Xunta de Galicia e Fundación Galicia Europa

LUGAR E DATA: Híbrido, Museo do Mar de Galicia (Vigo) e virtual, 24 de novembro de 2021

ÁMBITO: Pacto Verde, Economía azul e sostibilidade

SINOPSIS: Este acto centrouse en difundir as liñas de traballo xeradas no marco da Economía Azul en Galicia, resaltando as boas prácticas que contribúan a xerar un modelo de desenvolvemento sostible en relación co mar e implicando á sociedade civil e empresarial pertinente. Estivo organizado en dúas sesións:

- **O Crecemento Azul como motor de futuro: o exemplo da Autoridade Portuaria de Vigo**

Presentouse o traballo do Plan Blue Growth Porto de Vigo 2016 – 2020 (Plan BG), que se implantou en 2016 co obxectivo de apoiar o crecemento de emprego e de riqueza vinculada ao mar de forma sostible e respectuosa co medio ambiente e que, á súa vez, mellore as condicións de traballo e de futuro das persoas que viven do mar. Nel, colaboraron máis de 300 participantes de entidades públicas e privadas e consta de 46 proxectos e 47 accións, varias de recoñecemento internacional.

- **As Estratexias de Desenvolvemento Local Participativo nun futuro de diversificación da economía marítimo-pesqueira**

Os Grupos de Acción Local do Sector Pesqueiro (GALP) son asociacións sen ánimo de lucro constituídos pola sociedade civil e a estrutura marítimo-pesqueira. Na actualidade son un conxunto de oito GALP e integran a máis de 350 entidades sociais e empresariais. As estratexias de desenvolvemento local participativo (EDLP) concibidas e postas en práctica polos GALP son o principal instrumento para

o logro da prioridade cuarta da UE de aumentar o emprego e a cohesión territorial mediante ó apoio á diversificación do sector da pesca comercial, o aproveitamento do patrimonio ambiental das zonas pesqueiras e acuícolas e o reforzo do papel das comunidades pesqueiras no desenvolvemento local e da gobernanza. Desde a primeira convocatoria de axudas a proxectos dos GALP, en 2016, desenvolvéronse 515 proxectos.

Diálogo sobre o futuro do envellecemento

ORGANIZADORES: Gobierno de España, Comisión Europea, Parlamento Europeo, Consellería de Política Social, Concello de Santiago, Universidad de Santiago de Compostela, Fundación ABANCA y el Foro Económico de Galicia

LUGAR E DATA: Centro Obra Social ABANCA, Santiago de Compostela, 25-26 de outubro de 2021

TEMA: Democracia europea

SINOPSIS: A Xunta de Galicia participou neste diálogo co obxectivo de contribuír a reflexionar sobre o futuro do envellecemento, analizando, a través de diferentes perspectivas, a evolución das pensións, a inclusión no mercado laboral, o envellecemento activo ou a cohesión interxeracional.

España logrou conquistar unha das maiores aspiracións de todo país: aumentar a esperanza de vida da súa cidadanía ata alcanzar niveis sen precedentes na historia. Iso trouxo aparellado un forte envellecemento da nosa pirámide demográfica, o cal é previsible que se agudice durante as próximas décadas. Que a poboación española viva máis anos constitúe unha enorme fonte de oportunidades, pero tamén un desafío para o noso Estado de Benestar. Como serán as pensións que cobremos en 2050? Que podemos facer para reter á poboación en idades más avanzadas que queira seguir traballando? Como podemos impulsar o envellecemento activo? Que necesitamos para mellorar a cohesión interxeracional da nosa sociedade?

O amplio programa desenvólvese con seis mesas redondas de persoas expertas con quenda de preguntas abertas ao público. Ademais, celebraranse dous talleres cidadáns deseñados para escutar á poboación e incorporar as ideas a Estratexia nacional de longo prazo como parte do proxecto España 2050.

Youth Calls EU! Xornadas para mozos visionarios

ORGANIZADORES: Asociación Ingália en colaboración coa Deputación da Coruña e Europe Direct A Coruña

LUGAR E DATA:

- Sobrado dos Monxes (A Coruña), 23 de xullo de 2021
- Concello de Cedeira (A Coruña), 29-30 de xullo de 2021
- Concello de Cariño (A Coruña), 12 de agosto de 2021

TEMA: Unha economía máis forte, xusticia social e emprego, Cambio climático e medio ambiente e Educación, cultura, xuventude y deporte.

SINOPSIS: Esta serie de debates permitiu aos mozos de contornas rurais reflexionar e proponer iniciativas no ámbito económico, ambiental e cultural, as cales foron recollidas nun manual polos concellos involucrados.

Envellecemento saudable na UE: o potencial da innovación dixital para a atención sanitaria e social das persoas maiores

ORGANIZADORES: Comité Europeo das Rexións, Comisión Europea, Autoridades Sanitarias Rexionais e Locais europeas e a Deputación de Lugo

LUGAR Y FECHA: Virtual, 12 de outubro de 2021

TEMA: Envellecemento activo e transformación dixital

SINOPSIS: Este evento, enmarcado na Semana Europea das Rexións, tratou o potencial da innovación dixital para o envellecemento activo e saudable, presentando atención ás necesidades más perentorias da poboación envellecida e os desafíos do mercado laboral. Estivo moderado por Giovanni Gorgoni, presidente das Autoridades Sanitarias Rexionais e Locais europeas. contará coa participación de:

- Dubravka Šuica, Vicepresidenta e Comisaria Europea de Democracia e Demografía;
- Jarosław Duda, Diputado polo Partido Popular Europeo no Parlamento Europeo;
- Birgitta Sacrédus, Presidenta do Grupo Interregional de Saúde e Benestar no Comité Europeo das Rexións;
- José Tomé Roca, Presidente da Deputación Provincial de Lugo;
- Marco Marsella, Xefe de Unidade, eSaúde, Benestar e Envellecemento, DG CNECT, Comisión Europea;
- Raluca Painter, Mercado Laboral, Educación, Saúde e Servizos Sociais, DG REFORM, Comisión Europea;
- Piret Hirv, Directora do proxecto Redes de innovación para o envellecemento activo e saudable (IN-4-AHA).